



Inatsisartuni ilaasortaq Karl Lyberth, Siumut
MAANI

Tikaagullinniarneq pillugu Naalakkersuisunut apeqquteqaat normu 61-mut akissut

Inatsisartut suleriaasianni § 36 imm. 1 naapertorlugu Naalakkersuisunut tikaagullit pillugit apeqquteqaammik saqqummiussisimavutit. Apeqquteqaat uanga naalakkersuisoqarfinnut akisassanngorlugu ingerlateqqinneqarsimavoq.

1) 1. januarimiit 1. aprilip tungaanut tikaagullit piniaqqusaajunnaarnerannut suna tungavilersuutaava?

Add 1) Kalaallit Nunaat Danmark aqutigalugu Nunani tamalaani Arfanniartarneq pillugu Ataatsimiititaliarsuarmi (IWC), 1946-milu Nunat Assigiinngitsut Akornanni Arfernik naleqqussaaneq pillugu Isumaqatigiisummut ilaasortaanermigut pituttorsimavoq, isumalioqatigiissitallu ilassutaanut juni 2009-meersumut. Nalinginnaasumik arfanniarnissamut inertequtaasuniit (kinguartitsineq) IWC-p akuersineratigut immikkut arfanniarnernik ingerlatsinermut imaluunniit ilisimatusaatigalugu piniarnermut / iluanaarniutigalugu piniarnermut atatillugu piniarnermut tunngagaluarpataluunniit, isumaqatigiissutip arfanniarnermut malittarisassat sorliit atuuttut erseqqarivissumik allaaserai.

Isumaqatigiissuttip immikkoortuani II-mi, paragraf 5-imi tikaagullinniarnissamut piffissat aalajangersagaareerput. 1985-ip aallartinnerani nunarsuaq tamakkerlugu kinguartitsinermut atatillugu isumaqatigiisummut paragraffi taanna ilanngussaavoq. Kalaallit Nunaannut tikaagullinniarnissamut piffissat piniarfissatut sivilisutut ingerlaannartut nassuiarneqarsimapput, qaammatinik qulingiluanik sinneqqusaanngitsut. Assersuutigalugu nunat allat tikaagullinniartarnerisa sivilisussusaat qaammatinik arfinilinnik sivilisussuseqartarpoq. Qaammatinik qulingiluanik arfanniartarnerup sivilisussuseqarneranut tunuliaqutaasoq tassaavoq, ukiumoortumik 13-inissaanik 1961-imi ataatsimiinnermi 1946-mi isumaqatigiissut isumaqatigiinniutigeqqinneqarsimanagera, tassani piffissaq piniarfiusinnaasoq sivitsoqarpoq qaammatini arfiniliusimagaluortoq qaammatinut arfineq pingasunut sivitsoqarluni. 1977-imi nunatsinniit qinnutigineqarnera tunngavigalugu, tamanna suli qaammammik ataatsimik sivitsoqqinneqarpoq. Qinnuviginninneq tamanna tunngavilersorneqarpoq, tikaagullit silaannaap pissusaa pequtugalugu ilaannikkooriarluni decemberi qaammat ilanngullugu pisarineqarsinnaasarmata. Tamanna tunngavigalugu IWC-mut ilaasortaaneeq atuutsillugu tikaagullinniarneq annertusineqarsinnaanngilaq, Kalaallit Nunaat isumaqatigiisummut ilassuteqarneq aqutigalugu qinnutigittinagu, Ataatsimiititaliarsuarmik ukiumoortumik ataatsimiinnermi akuerineqartussamik. Kalaallit Nunaata inatsisaani tikaagullinniarnerup sivilisussusaa 1. aprilimiit 31. decemberimut sivilisussusilittut nassuiarneqarsimavoq, ullut taakku marluk

18. marts 2010
j. nr. 2010-61
Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@nanoq.gl
www.nanoq.gl

ilanngullugit, Arfernik angisuunik illersuineq piniarnerlu pillugit Namminersornerullutik Oqartussat nalunaarutaat nr. 9, 17. april 2009-meersoq naapertorlugu.

2) Naalackersuisut ukioq kaajallallugu tikaagullinniarnissamik eqqussinissamut suliniuteqarniarlutik pilersaaruteqarpat?

Add 2) Kalaallit Nunaanni arfanniartartunit tamanit tamanna kissaatigineqarpat, piffissaq arfanniarfiusoq siuartinneqarsinnaavoq, taamasilluni ukiup ingerlanerani aallartiaarnersarluni unittarneralu siusinnerusalersinneqarluni. Aalisarnermut, Piniarnermut Nunalerinermullu Naalackersuisoqarfik Pinngortitaleriffimmiit tikaagullinnik agguaasarnernut tunngatillugu siunnersorneqarnerumalluni piumasinnaavaa, ilisimavarpullu ukiuni kingullerni allannguuteqarsimasoq, KNAPK-millu oqaloqateqarnikkut ukiumut piniarfiusumut tullermut periarfissaq tamanna eqqartorneqassaaq. Apeqqut taanna persuarsitiginagu eqqartorneqarsimavoq, Naalackersuisullu periarfissanut ammapput. Piniarfissamut piffissamik allannguisoqassappat, allannguneq suliassamut nalunaarutinut attuumassutilinnut nutarterinissamik pisariaqartitsissaaq.

Inussiarnersumik inuulluaqqusillunga

Ane Hansen
Aalisarnermut, Piniarnermut Nunalerinermullu Naalackersuisoq